



14. august 2026

UKA 2026/263

Inatsisartut ingerlatsinermut maleruaqqusaanni § 36 tunngavigalugu apeqquteqaat aallaavigalugu oqallisissiamik imaattumik siunnerwsuuteqarpunga:

Apeqquteqaat aallaavigalugit oqallisissiamik siunnersuut meeqqat sumiginnarneqarnerisa pinaveersaartinnissaanut inuttut aammalu ataatsimoorussamik akisussaannermut tunngasumik oqallisissiaq.

(Inatsisartunut ilaasortaq Margrethe Thårup Andersen, Demokraatit)

Allamik pingaarnersuqanngilaq meeqqatsinnut akisussaassuseqarnitsinnit.

Naalakkersuisut kommunillu soorunami annertuumik akisussaaffeqarput. Pisortat akuliutissapput, meeqqat sumiginnarneqartillugit. Pisortat pikkorissunik sulisoqassapput, ilaqtariinnut saaffiginniffissanik pitsaasunik, pinaveersaartitsinernik nukittuunik suliniuteqassapput aammalu meeqqanut, namminneq angerlarsimaffimminniisinnaanngitsunut, pitsaasunik neqeerooruteqassallutik.

Piffissanngorporli, ersarissumik erseqqissaatiginissaa, pisortat kisimiillutik meerartagut annaassinnaanngikkaat.

Meeqqat allaffinni peroriartortanngillat. Ilaqtariinni peroriartortarput, angerlarsimaffimmi, nunaqarfimmi, illoqarfimmi. Atuartarput sunngiffimmilu aaqquissuussanut peqataasarlutik. Taammaattumik akisussaaffik taakkunani aallartittarpoq. Pingaartumik angerlarsimaffimmi.

Kanngusaarinissaaq pineqanngilaq. Ilaqtariippassuit ajornartorsiorput. Angajoqqaarpasuit ajornartorsiutitut akersuupput, allat immaqa takunngisaannagassaannik unammilligaqarput. Meeqqalli pisuutinneqassanngillat, angajoqqaat isiginngitsuusaarnerannut.

Meeraq atugarliorpat, meeqqamut qanittut inersimasut siulliullutik takukkajuttarpat, pisortaniit siulliullutik. Ilaquttat. Sanilerisat. Ilinniartitsisup. Sungiusaasup. Ilaqtariit ikinngutaasa. Najugaqarfimmi inersimasut allat.

Taammaattumik inuttut akisussaassuseqarnerup oqaluuserinissaanut sapiissuseqartariaqarpugut, tamatta akisussaaqataagatta meeqqat sumiginnarneqarnerannut pinaveersaartitsinissatsinnut.

Deloitte meeqqat inuusuttullu anagerlarsimaffiup avataanut inissinneqarsimasunik misissuinerata takutippaa, meeqqat inuusuttullu 935-it 0-miik 23-nut ukiullit 2024-imi Kalaallit Nunaanni angerlarsimaffiup avataanut inissinneqarsimasut. Tassa meeqqat inuusuttullu taamatut ukiullit 5 procentingajaat. Misissuinerup aamma takutippaa, 2024-imi angerlarsimaffiup avataanut inissiinerit



anigaasartuutitarisimagaat 687 milioner koruunit missaat¹.

Kisitsisepassuit. Siullermilli pingaarnerpaatullu meerarpassuit. Kisitsisit taaneqartut tunuanniipput meeraq, piffissap ilaatigut angerlarsimaffimminiissinnaajunnaarsimasoq. Meeraq, arlaatigut ajortoqarmat angerlarsimaffimminiikkunnaarsimasoq. Meeraq, pisariaqartitsisoq, inersimasup akisussaaffimmik tigusinissaniq utaqqisoq.

Sumiginnaanermut aniguiarneq angerlarsimaffimmi ulluinnarni aallartissooq. Inatsisaannatigut, aaqqissuussaannartigut anigaasaliiginnarnikkullu ingerlanneqassanngilaq.

Taamaattumik kissaatigaara, Inatsisartut Naalakkersuisullu apeqqutitut ukununga isummernissaat:

- Qanoq ililluta inuttut akisussaassuseqarneq annertusarsinnaavarput angajoqqaani, ilaqutariinni, sanilerisani aammalu inersimasuni allani, meeqqat amerlanerit takuneqarlutillu ikiorneqarsinnaaniassammata siusinnerusukkut?
- Qanoq ililluta iliuutsinik pilersitsisinnaavugut, inersimasut meeqqamut isumakuluuteqarnerminni iliuuseqarsinnaanissaat sapiissuseqarlutik, ingutsinertut, kanngusaarinertut imaluunniit akuliunnertut isigineqanngitsumik?
- Qanoq ililluta qulakkiissavarput, pisortat ilaqutariinnik siusissukkut tapersersuinissaat, inersimasut tunngaviusumik akisussaassuseqarnerat innarlinngikkaluarlugu?

Demokraatit isumaqarput, meeqqat tamarmik toqqissisimanissaminnik, isumassorneqarnissaminnik pisinnaatitaaffeqartut aammalu inersimasunik akisussaaffimmik tigusiimasunik. Pisortat ikiutissapput. Pisortalli, eqqummaarittut angajoqqaat, ilaqutariit akisussaassusillit aammalu inersimasut allat, iliuuseqarnissaminnut sapiissuseqartut, arsaanngisaannassavaat.

Sumiginnaaneq akiorusukkutigu, aallarniutigisariaqarparput uagut nammineq akisussaassuseqarnerput aammalu nammineerluta qanoq iliorsinnaanersugut.

Qilanaaraara, partiit allat Naalakkersuisullu isumaat paasissallugit, neriuppungalu ilungersuullugu kinguneqaluartussamillu oqallisigissagipput, qanoq ataatsimoorluta inuttut aammalu ataatsimoorluta akisussaaffik meerartatsinnut annertusarsinnaaneripput.

¹ Meeqqat inuusuttullu inissineqartarneri pillugit anigaasartuutitut misissueqqissaarneq, Deloitte, december 2025